



UNIVERSITÄTS-
BIBLIOTHEK
PADERBORN

IVRIS CANONICI|| SEV PONTIFICII|| PARTITIONES,||

Grégoire, Pierre

[Frankfurt], 1595

VD16 G 2996

1 De criminibus in genere.

[urn:nbn:de:hbz:466:1-63677](https://nbn-resolving.org/urn:nbn:de:hbz:466:1-63677)

DE SVCCESIONIBVS A

SCHOLIA.

AB INTESTATO.

TIT. XXIII.

CAPVT I.

Continuatio, & de successione clerici.

Testamento non existente, vel eo inu-
tili, succeditur defuncto ab intestato,
per proximiores sanguine coniunctos.
a At in clericis, presbyter, qui nihil habue-
rit tempore promotionis ad ecclesiasti-
cum ordinem, quaesita ex ecclesiae fructi-
bus, vel occasione ecclesiae, tenetur eccle-
siae relinquere; *b* si tamen aliunde acqui-
sierit, consanguineis relinquuntur. *c* Be-
neficia autem & alia bona ecclesiastica,
nullo iure consanguinitatis ad proximos
deferuntur. *d* Et haec de successione inte-
stati quod pertinet ad ius pontificium suf-
ficiant, reliqua poterunt de aliorum suc-
cessione ex iure ciuili inuari. *e*

- a* c. 1. de successione ab intesta. lib. 3. tit. 27.
b c. 1. 2. 3. 4. de peculio clericor. lib. 3. tit. 26.
c quia nos, c. requisisti, de testa. ca. fina. 12.
d q. 4. c. 1. de successio. ab intesta. qui pra-
sumuntur de rebus ecclesiae quaesita, ca. 1.
12. q. 1. ut dicitur de emtis a muliere tem-
pore matrimonii, qua praesumuntur ex bo-
nis mariti quaesita, l. etiam, C. de donatio.
inter vir. & vxor. l. Quintus Mutius, co-
ti. P. Contra hanc praesumptionem tamen
admittitur probatio, can. sint manifesta,
12. q. 1. can. 1. & 2. 12. q. 4.
e ca. 1. 12. q. 4.
d c. 1. de praebend. lib. 3. tit. 5. ca. apostolica,
8. q. 1. cap. praesentium, c. conquerente, c. ex
transmissa, de filius presbyter.
e vide quae nos diximus in Syntag. iur. lib.
44. & 45.

Finis libri tertii.

INSTITVTIONVM

I VRIS PONTIFICII

LIBER QVARTVS.

DE CRIMINIBVS IN GENERE.

TITVLVS PRIMVS.

CAPVT I.

*1 Continuatio.**2 Dispositio futurae tractationis.*

POST tractationem obligationum, quae
ex conuentionibus & consensu expre-
so vel tacito obligatorum nascuntur, di-
cedum est de obligationibus ex delicto vel
quasi ortis, seu de delictis & poenis illo-
rum; maxime in quantum exigit ius ponti-
ficium, habita ratione personarum & ac-
tionum ecclesiasticarum. de reliquis e-
nim, quae inter laicos considerantur alibi
sufussime ex iure ciuili disputatum est. *a*

D Methodi autem facilioris gratia, & vt
memoriae consulamus promtiori, totam
futuram tractationem sic paucis conclu-
demus. Clerici, aut delinquant, aut quasi
delinquant poenamque merentur, aut in
ordinibus suscipiendis, aut post ordines su-
sceptos; In ordinibus suscipiendis peccat,
vel quia ipsi ex sua persona non sunt ido-
nei ad suscipiendum, *b* vel quia a persona
accipiunt ad conferendum non idonea;
c vel quia non bene ordinantur. *d* Post
ordines vero susceptos delinquant, vel in
cura & sollicitudine accepti ordinis & mi-
nisterii; *e* vel in omissione officii iniuncti
ordini;

ordini vel indigne & cum abusu illud exercendo, sicut in possessione, cura & causa beneficiorum ecclesiasticorum; g vel peccant extra considerationem ipsius ministerii, in modo viuendi profano, h aut criminoso, i de quibus dicemus Deo iuuante ordine adiuciendo pœnas canonicas; exponentes pariter, quando etiam ad laicos pertinere possint.

SCHOLIA.

- a nos tractamus de criminibus singulariter in Syntagma. iuris uniuers. lib. 33. & 34. & sequentibus libris usque ad 40. & de pœnis in genere & specie lib. 31. & 32. de accusationibus & earum formulis.
- b de his tractabimus tit. 2.
- c de quibus agitur tit. 3.
- d de quibus tit. 4.
- e de quibus tit. 5.
- f de quibus tit. 6.
- g de quibus tit. 7.
- h de quibus tit. 8.
- i de quibus a tit. 9. usque ad finem libri 4.

DE DELICTIS IN SVSCIPIENDIS ECCLESIASTICIS ordinibus, commissis.

TIT. II.

CAPVT I.

- 1 De illegitimis non ordinandis aut beneficiandis.
- 2 Quare.
- 3 Nisi cum dispensatione.
- 4 Pœna illegitimi ordinati.

Locuti sumus in primo libro harum Institutionum, a de sacris & ecclesiæ ordinibus, nunc admonebimus, quo pacto in his suscipiendis peccetur. Ex parte suscipientis primum itaque peccatur, si illegitime natus, id est, non natus ex matrimonio legitimo, se ad illos suscipiendos ingerat. b Ius quippe prohibet illegitimos ad ordines promoueri, c aut ad beneficia ecclesiastica. d

A Intemperantes enim præsumuntur ex causa & vitio parentum filii spurii. e Atque inhoneste & cum malo exemplo, in ecclesia Dei ministrarent. f

Nisi cum dispensatione vtrumque concedatur spuriiis ob probos mores, vel religionem, vel auctoritatem superioris, g qui in minoribus ordinibus & beneficio, quod non habet curam animarum, dicitur esse episcopus proprius, in aliis, summus Pontifex. h

B Et proinde illegitimus sine dispensatione ordinatus, licet recipiat characterem, tamen non habet ordinum susceptorum executionem, donec fuerit ab eo delicto absolutionem consequutus. i Atque a beneficiis ad quæ indispensatus fuerit promotus, remouetur. k

SCHOLIA.

- a lib. 1. c. 13.
- b can. fin. 5. 6. dist. ibi, Peccatum confessus es, & postea, ab huius peccati vinculo absolutum, &c. agit enim de episcopo, qui confessus est, se illegitime natum peccasse, acceptando episcopatum.
- c c. 1. & 2. 5. 6. dist. c. 1. c. ad hæc. 12. de filiis presbyter. lib. 1. tit. 17. c. consuluit, 5. de seruis non ord. li. 1. tit. 18. c. de incestis, 35. q. 3.
- d ca. cum in cunctis, de elect. ca. 1. de filiis presbyter.
- e ca. si gens Anglorum, 5. 6. dist. facit l. quisquis, §. filii, ad leg. Iul. maiest. C.
- f c. cum decorem, 15. de filiis presbyter.
- g c. 1. cum 4. sequentibus, & c. nisi, & sequentibus, 5. 6. dist. & fere per totum titulum de filiis presbyter.
- h c. 1. de filiis presbyter. in Sex.
- i can. fina. & ibi Præpositus, 5. 6. dist.
- k c. constitutus, & c. si. de filiis presbyter. cum similib. nisi postea cum vpo dispensetur a summo Pontifice, in c. 3. 4. 5. & gloss. ibidem, de filiis presbyter.

CAPVT II.

- 1 De ordinatis ante aetatem legitimam pœnaq; ordinantis & ordinati.